

## **ZAPISNIK**

### **REDOVNA SKUPŠTINA UDRUŽENJA INŽENJERA GEOTEHNIČARA U BIH**

#### **Sarajevo, 22/09/2022.**

Predsjednik Udruženja Inženjera Geotehničara u BiH je dana 22.08.2022. godine sazvao redovnu Skupštinu Udruženja Inženjera Geotehničara u BiH za 2022. godinu, zakazanu za 22.09.2022. godine s početkom u 10:00 sati u sali 8 Univerziteta u Sarajevu – Građevinskog fakulteta, Patritotske lige 30.

Skupštini Udruženja je prisustvovalo 50 inženjera, koji su jednoglasno usvojili sljedeći dnevni red:

1. Otvaranje Skupštine
2. Izbor predsjednika Skupštine i predsjednika Udruženja na mandatni period 2022 – 2026. godine
3. Izvještaj o radu Udruženja za period od januara 2020. do septembra 2022. godine
4. Plan rada Udruženja za 2023. godinu
5. Inicijativa za stipendiranje najuspješnijih studenata
6. Razno

#### **Ad. 1 Otvaranje Skupštine**

Sekretar Udruženja doc. dr Anis Balić je pozdravio prisutne.

#### **Ad. 2 Izbor predsjednika Skupštine i predsjednika Udruženja na mandatni period 2022 – 2026. godine**

Prisutni na Skupštini su predložili sljedeće kandidate: kandidat za predsjednika Udruženja prof. dr Samir Dolarević, za predsjednika Skupštine Safet Neković, i za sekretara Udruženja doc. dr Anis Balić.

Skupština je jednoglasno usvojila prijedloge za predsjednika Udruženja, predsjednika Skupštine i sekretara Udruženja na mandatni period 2022 – 2026. godine.

#### **Ad. 3 Izvještaj o radu Udruženja za period od januara 2020. do septembra 2022. godine**


Sekretar Udruženja doc. dr Anis Balić je podnio finansijski izvještaj za prethodni period: o raspoloživim finansijskim sredstvima koji su ostali nakon održanog pozivnog predavanja Dan Geotehnike 2019 i naučno-stručnog skupa: Koridor Vc-Tunel Prenj (5.715,08 KM), te o načinu na koji su utrošena ta sredstva i koliko je ostalo na raspolaganju Udruženju (1.231,93 KM).

Za godišnje redovne troškove Udruženju je potrebno 2.000, KM (računovodstvene usluge, usluge FIA-e, održavanje web-stranice, web hosting i zakup domene, te troškovi banke), što bi se finansiralo iz članarina. Članarina za individualno članstvo iznosi 20,00 KM, a za kolektivno članstvo 100,00 KM. Nakon održavanja Skupštine, svim prisutnim će biti upućen mail sa pristupnicama za individualno i kolektivno članstvo, kao i ostalim koji nisu bili u mogućnosti prisustovati Skupštini, kako bi bio formiran novi spisak članova Udruženja koji će služiti kao osnova za budući rad Udruženja.

Prijedlog prisutnih na Skupštini Udruženja je da godišnji budžet Udruženja iznosi oko 50.000,00 KM, čiji bi izvor bila sponzorstva firmi koje podržavaju rad Udruženja. S tim u vezi, Skupština je jednoglasno usvojila da će se firmama iz oblasti građevinarstva uputiti zahtjevi za sponzorstvo s ciljem povećanja budžeta Udruženja, kako bi se mogle realizirati planirane aktivnosti i unaprijediti rad Udruženja.

#### **Ad. 4 Plan rada Udruženja za 2023. godinu**

Doc. dr Adis Skejić je obavijestio prisutne o planiranim aktivnostima Udruženja za 2023. godinu. Najprije, svi prisutni su obaviješteni da je nova web-stranica Udruženja aktivna (www.uig.ba), te da se



mole svi zainteresovani da daju svoj doprinos vidljivosti stranice tako što će poslati na objavu kratke opise projekata u kojima su učestvovali, ili ukoliko su objavili neku publikaciju. Zatim je najavljeno održavanje predavanja i skupova o temama koje su interesantne članovima Udruženja. Neke od tema koje su spomenute, a o kojima treba diskutovati su:

Obim istražnih radova (Safet Neković)

Pravilnik o geotehničkim misijama (Behudin Strojil, Marin Nikolić)

Projektovanje tunela Prenj (Elmedin Voloder)

Problem podjele geotehničkog projekta na geotehnički i građevinski dio (Alma Demirović)

Skupština je jednoglasno usvojila da se u novembru 2022. godine organizuje prvi tematski skup.

#### **Ad. 5 Inicijativa za stipendiranje najuspješnijih studenata**

Sekretar Udruženja doc. dr Anis Balić je uputio inicijativu za stipendiranje najuspješnijih studenata bachelor studija građevinarstva, i master studija građevinarstva – smjer geotehnika. Stipenditori bi bili firme koje su voljne stipendirati najuspješnije studente.

Skupština je jednoglasno usvojila inicijativu.

#### **Ad. 6 Razno**

Sekretar Udruženja doc. dr Anis Balić je zamolio prisutne da pogledaju Statut Udruženja dostupan na web stranici, i da pošalju prijedloge za eventualne izmjene/dopune Statuta.

Zapisničar

doc. dr Emina Hadžalić